

A cundo libro regulari, Fit autem siue nascitur hæc passio intemperantia ægrotantis, uel curatione mala medicantis, aut post ægritudinē tardæ resumptionis causa. Item ex medicaminibus sæpissime potatis, uel ex saxea duritie iecoris aut lienis, hæmorrhoidis longissimi temporis, aut uomitu. Item ex febribus longo tempore corpus affectum, aut collectionibus, aut uomitu post uespertinos cibos, & hijs similibus. Est autem ipsa quoq; passio sæpissime hydropisimi antecedens causa, aut macularum simili in superficie corporis accidentium. Sequitur cachecticos pallor subalbidus: aliquando etiam plumbeus color, debilitate tardus ac piger corporis motus, cum inflatione inani. Aliquibus etiã uentris fluor cum febricula in plurimis latente, quæ circa uesperam magis augeatur: pulsus creber ac densus: Cibi fastidium, & uini magis appetentia, urina fellea, & extensio uenarum. Est autem passio sæpius stricturæ, sicut ex supradictis conijciamus. Aliquando etiam complexa solutione ob plurimum uentris fluorem, uel simili quolibet fluxu. Quapropter conuenit complexa passione laborantis primo abstinere fluentia, & intemperantiã ægrotantis corrigere, uel curationes malas, aut medicaminũ porationes prohibere. In iecore uero aut liene si qua fuerit durities, siue saxositas, destruere, ut nuper demonstrauiamus: Aut si fluor sanguinis fuerit plurimus, abstinere: hæmorrhoidas uero auferre, febres quoq; soluere, ut de febribus scribentes docuimus, collectiones congrua curatione, sicut de ipsis scribentes monuimus, sanare, & consuetos eis post uespertinũ cibum uomitus paulatim detrahare. Ac si horum nihil fuerit accidens, & sola in corpore uisa fuerit cachexia, erunt eius superpositiones ac lenimenta prouidenda, & uigilante sine ulla ratione ægroto, aut cibo corruptente, animi attestante difficultate, cū pigro ac segni corporis motu superpositionē cognoscere: & propterea in requie retinere ægrotum, cum abstinentia cibi, quo turbatio corporis resoluantur. Item ea quæ fuerint extenta lanis contegenda, atq; oleo calido fouenda, ac si uenter fuerit fluens abstinendus. Item si plurima fuerit corporis tensio cum grauedine erit adhibenda phlebotomia ex brachio mediocriter: sed non necessarium in hijs qui hæmorrhoidarum causa inanes uidentur: Ac deinde retentione facta constricti, sed non in omnibus qui communiter tanta, ac tali fuerint strictura possessi, tunc perunctos conuenit refici cibo digestibili ac leui, usque ad declinationis tempus, seruato genere accidentium, alia cataplasmatibus, alia curbitis recurrare: Cum declinatio apparuerit, plurimus ac uarius cibus erit adhibendus, & similibus superpositionem uergentem adiuuare, atque ita lenimento ueniēte quod facile approbamus exercentibus asperitatibus passionis supradictis, hoc est, hijs quæ superpositionē designant, erunt corpora resumenda atq; fortificanda: Tum recorporatiuis utendum curationibus, quo reformata corpora, uel ut ita dixerim, relectis uitiosis carnibus, ac renascentibus nobis reparata ad memoriã redeant sanitatis. Quapropter æger somno discusso semet in lecto continere, iubendus etiam iacere paulisper, tum etiam neq; repente consurgere, sed pratentato motu discere, utrum se leuem ac digestum sentiat: Etenim si fuerit occurrēs, indigestio erit requies adhibenda plurimo temporis spatio, donec grauedo digeratur: dehinc mediocri gestatione, atque paruo cibo utendum, si non ex accessione, sed ex aliqua causa manifesta temporalis acciderit corporis displicentia, quam Græci diarescin uocant. Ac si nulla fuerit ægrotantis querela, erit à lecto leuandus, & ob expugnandam frigoris iniuriã oleo leuiter perungendus: Tunc gestatio adhibenda, & si uires permiserint, uel aëris temperies, sub diuo, & magis intra muros motu uehiculi. Si uero aliqua fuerit obstans

H causa,

